

秀山志卷之二

豐泉陳竑如亭氏原纂

住僧方畧常安重輯

徒廣作禮三募梓

古蹟

秋浦故城

秀山之麓有秋浦縣舊址秋浦即漢石城地石城置自漢元封初屬宣城宣城實梁武帝初封梁國內郡也以東西兩山夾河如城故名石城隋開皇元年因石城

秀山志

卷之二

一

遺址置縣更名秋浦唐永泰間徙今治復稱貴池而秋浦之名猶著

浦水

浦水發源於樑山綿延二百餘里由鱖口入大江按古水道繞秀山之邑迤邐北行由郎山下今則徙而東流秋浦城故址已在波瀾滌洄間矣

玉鏡潭

潭在郎山崖下來端平中毅齊陳應直大書潭名摩崖而勒之石明天順間郎山古道苦於暴客胡志鑄於此

鑿山開路此崖適當孔道因以橋覆之今左近居民言  
月夜嘗有物如白鵝自潭中出照耀似日每值四五月  
間已牌時鏡光直騰崖上竒觀奪目至午則隱月夜間  
亦有之然可望而不可即見後三日內必有洪水歷試  
不爽

### 釣臺

郡志載昭明釣臺一在池口一在郎山崖郎崖與秀山  
密邇一涉之地有濠濮間想又白面山金燈崖下名昆  
池其上盤石可坐卧相傳亦釣臺也宋蔣之竒訪夏氏

秀山志

卷之二

二

白面山居有云難尋荀鶴舊遊宅尚有昭明古釣臺指  
此

### 金燈崖

白面山麓巨石橫溪溪水折而旋繞澄泓可愛每於月  
夜金波盪漾不啻燈燭交輝崖之命名以此宋岳武穆  
正與金為仇過此見金燈之名怒而擊之碑截然斷矣  
名之累崖似乎不幸然有此一擊留傳不朽又為茲崖  
添一佳話云

芙蓉尖

雙峰聳峙望之若芙蓉俗又稱望江尖以山形高峻可望長江山半有法華庵迤邐東行勢漸平衍惟茲峰獨秀山之以秀得名蓋取諸此

### 寶珠墩

墩在蓮花塘之右其員如珠兩山左右相向猶龍吞吐故以命名其上有老樹數株蓋明時僧人手植云

### 蓮花塘

選樓之北有蓮花塘聞諸父老云值盛夏蓮花盛開朱華翠葉輝映碧波固山林中之太液池也今則名雖仍

秀山志

卷之二

三

舊惟清水一泓而已

### 放生池

池方廣不及蓮塘之半傳聞太子嘗放生魚於其中故呼為放生池

### 天仙橋

蓮塘魚池間甃石為橋茂林修竹一帶迴合遊其間者有飄飄遺世之想焉故名

### 左右二亭子

天仙橋左右原有二亭屹然相向今則只存舊址而已

文選樓

誌書所載文選樓廣陵襄陽俱有秀山亦其一也以歷年以遂至傾圮康熙間郡守喻公成龍首倡經營士民協力輪奐維新斯文復振至今其樓巋然特存往來遊士題咏甚多

銘德堂

堂在大殿之東其地幽邃迥絕塵埃而棟宇軒敞豁人心目登斯堂者足以志帝子之德於不忘也故以銘德名之

秀山志

卷之二

四

更衣亭

春秋享祀之期朝廷遣中使諭祭郡邑守令朝服駿奔舊有更衣亭在殿外道旁今柱礎無存規模莫考

公應堂

堂之設蓋因諭祭時品物供張使星信宿執事者夙夜在公肆應維謹而名之也其制廣大高深廊廡房間庖厨院落無不畢具遺址猶存

紫氣宮

洪武六年令天下郡縣各留寺觀一所僧道竝居故永

樂後秀山碑文有仰紫氣宮僧道官之語正德間郡守  
白翺選僧給牒其宮尚存但無僧道今則廢址不可復  
識矣

香鯽蕩

貴池以魚美得名其魚以香鯽為竄因名其產處曰香  
鯽蕩魚味醜馥異常土人呼為沉香鯽往時中使致祭  
還朝必取以獻然不可多得漁人或以為累司徒孫仁  
請止之自停諭祭香鯽絕不復生帝王之福神聖之靈  
如此

秀山志

卷之二

附

西廟

西廟在城西四里唐永泰初以秀山遠於郡治遂建西廟祀昭明太子有坊有重門有堂殿寢廊有鐘鼓樓規制壯麗擬諸宮闕焉

行祠

郡城西通遠橋北原有祠址郡守祁司員重建正德庚辰郡守何紹正遷秀山門內榜之曰昭明行在每年秋賽合郡官僚詣郭外西祠列鹵簿迎神入城先於此祠

秀山志

卷之二

六

稅駕然後升龍車鳳輦至景德寺慶祝焉

景德寺

寺舊在郡治北原名祝聖唐貞觀初僧雪竇募建宋景德二年賜額景德明隆慶間移置今處仍稱祝聖每年中秋前三日迎太子聖駕至寺祝壽中秋後三日始送回西祠

隱山寺榜

建德隱山寺太子常遊憇焉手書隱山之寺四大字署之寺門久而剝蝕邑令吳師道命寺僧義寧摹之於石

竝為之記

問蕭樓

宋時在試門今其地號為市門舊址已莫可考今繹其義當因太子校讐著述博極羣書將以携尊而問字也按詩顛寄吳筏絕句經年遠出是孱翁那得宵分共酒筒聞說問蕭樓作市紗幃何處督諸童指此

景蕭樓

萬厯間柳林巷居人李春達於其屋後掘得斷碑有景蕭樓上梁文係宋狀元陳舜俞撰想樓址即在其處雖

秀山志

卷之二

七

碑文不全而經始之詩與序備載郡志可以想見其命名深意

秀山驛

驛置自元今秀山門外站馬坡即其地邑人郎璽詩曰坡上高敞是酒家三台竝峙夕陽斜漁樵爭度栖雲嶺半入城西半水涯今古驛雖廢坡上風景依然令人愛玩不置

秋浦樓

舊在郡治東宋紹定戊子太守趙范移為郡西門城樓

石刻東坡詞山谷字於其上端平間太守王伯大易門  
名曰秀山而門之樓相沿已久輿記輿鏡皆以秋浦樓  
傳宋丞相趙葵有七言古詩載郡志

秋浦亭

秋浦切近秀山故郡治秀山門外清涼境建亭命名秋  
浦宋狀元陳舜俞有五言律詩載郡志萬歷時太守金  
本高率汪姓義民重修